

醫

學

綱

目

醫學綱目卷之十一

肝膽部

眩

癩癩

子癩

大法

成無已云眩者非眩而見其眩謂眼黑眩也運者運為運轉之運世謂之頭旋是也

內經論眩皆屬肝木屬上虛丹溪論眩主於補虛治痰降火仲景治眩亦以痰飲為先也

肝木作眩

諸風掉眩皆屬於肝全文見診法

河掉揺也眩昏亂旋運也風主動故也所謂風氣動而頭目眩運者由風木旺必是金衰不能制木而木復生火風火皆屬陽多為熱化陽主乎動兩動相搏則頭目為之眩運而旋轉故火本動也煇得風則自旋轉人或乘舟車及作環舞而眩運者其動不止而左右紆曲故經曰曲直動揺風之用也眩運而嘔吐者風熱甚故也

狗蒙招尤目瞑耳聾下實上虛過在足少陽厥陰甚則入

肝全文見治法

**本**治肝厥頭暈清頭目釣藤散

釣藤 陳皮 半夏 麥門冬

茯苓各半 石膏 人參 甘菊

防風各半 甘草一分

右為釐末每服四錢水一鍾半生薑七片煎至八分溫

服

治肝厥狀如癇疾不醒嘔吐醒後頭虛暈發熱方

麻黃 釣藤取皮 石膏 乾葛

半夏麴 柴胡 甘草 枳殼

甘菊

右為釐末每服四錢水一鍾半生薑三片棗一枚同煎

至八分去查溫服

婦人患頭風者十居其半每發必掉眩如在車上蓋因血虛肝有風邪熱故耳素問云狗蒙招搖目眩耳聾上虛下實過在足少陽厥陰甚則歸肝蓋謂此也余常取此方以授人比他藥捷而效速等勞散

川芎

配

當歸

分

羌活

旋覆花

蔓荊子

細辛

石膏

藥本

荆芥穗

半夏

炙

防風

熟地

甘草

各半兩

右爲末每服二錢水一大鍾生薑三片同煎至七分去

查溫服不拘時服

右甘寒瀉風木

羅風痰治驗

叅政楊公七旬有二有風痰於至元戊辰

春忽病頭旋眼黑目不見物心神煩亂兀兀欲吐復不吐  
心中如懊懷之狀頭偏痛微腫面赤色腮頰亦赤色足脣  
冷命予治之余料之此少壯之時喜飲酒久積濕熱於內  
風痰內作上熱下寒是陰陽不得交通否之象也經云治  
熱以寒雖良工不敢廢其繩墨而更其道也然而病有遠  
近治有輕重參政今年高氣弱上熱雖盛豈敢用寒涼之  
劑損其脾胃經云熱則砭之又云高巔之上射而取之余  
以三稜針約二十處刺之其血紫黑如露珠之狀少頃頭  
目便覺清利諸症悉減遂處方云眼黑頭旋虛風內作非  
天麻不能除天麻苗謂之定風草此草獨不爲風所搖故  
以爲君偏頭痛者乃少陽也非柴胡黃芩酒製不能治黃  
連苦寒酒炒以治上熱又爲因用故以爲臣橘皮苦辛溫  
炙甘草甘溫補中益氣爲佐生薑半夏辛溫能治風痰茯

苓甘草利小便導濕熱引而下行故以為使服之數劑邪氣平生氣復而安矣

天麻半夏湯治風痰內作胸膈不利頭旋眼黑兀兀欲吐上熱下寒不得安臥

天麻

半夏各乙錢

橘皮去白

柴胡七錢

黃芩酒浸

甘草炙

白茯苓去皮

前胡各五分

黃連三分

右咬咀作一服水二鍾薑三片煎至一鍾溫服食後忌酒麪生冷物

垣羌活湯治風熱壅盛上攻頭目昏眩

羌活

防風

黃芩各乙兩酒洗

柴胡七錢

黃連酒浸

黃柏酒炒

瓜蒌酒洗

甘草炙七分

白茯苓五錢

澤瀉六錢

右為養末每服五錢水煎取清食後或先臥通口熱服之日二服

右苦寒瀉風水

外感風邪眩

腦筋骨血氣之精而與脉并為目系上屬於腦後出於項中故邪中於項因逢其身之虛其入深則隨眼系以入於腦入於腦則腦轉腦轉則引目系急目系急則目眩以轉矣大慈編

本治一切頭旋本因體虛風邪乘於陽明經上注頭而遂入於腦亦因痰水在於胸膈上犯大寒使陽氣不行痰水結聚上衝於頭目令頭轉旋羚羊角散

羚羊角

茯神各一兩

芎藭

防風

白芷

半夏湯洗七次

枳殼

附子各一分

甘草三錢

右為麤末每服四錢水一鍾半生薑五分慢火煎至七分去渣不拘時候溫服

百一都梁丸治風吹項背頭目昏黑眩痛

香白芷

大塊者用沸湯泡洗四五次焙乾

右為末煉蜜為丸如彈子大每服一丸細嚼用荊芥湯點茶下

無大豆紫湯治中風頭眩惡風自吐冷水有汗

方見症門

上虛眩

聖治風頭旋用蟬殼二兩微炒為末非時下溫酒一鍾七針經胃風篇云上虛則眩又五臟生成篇云狗蒙招尤目

瞑耳聾下實上虛蓋蒙昏冒也招搖掉也瞑黑眩也皆謂昏冒搖掉眼黑眩屬下實上虛也

丹陳客婦人近五十頭痛麻木眩運脉甚虛宜補氣益血去風行濕



天麻

酒乙

人參

錢半

白朮

錢一

黃芩

錢半

歸身尾

酒半

川芎

錢半

陳皮

錢半

甘草

炙三錢

黃芪

分三

半夏

分五

生薑

片三

右作一劑水煎服

賢舅因勞役眼眩倦怠頭不爽肚帶滯滑

黃芪

錢半

人參

錢半

當歸

錢一

黃柏

炒三分

白朮

酒浸錢一

陳皮

錢半

蔓荊子

五錢

甘草

炙二錢

煎稍熱飲之丑卯時各一次去枕眠少時巳申時又各

一次瘥

男子因作勞成病發熱脚酸口苦頭暈

白朮

茯苓

黃連

川芎

半兩

白芍藥

人參

生地

陳皮

當歸

各一兩

甘草

錢一

杜仲

炒六兩

分十八貼食前熱下抑青丸二十二粒

丈夫患熱頭眩脉大而散此是辛苦中來

陳皮錢三

柴胡錢三

人參錢二

白木錢二

黃芪錢三

木通錢一

甘草錢三

分三貼服

本治風眩頭運川芎散

山茱萸錢一

山藥

甘菊花

人參

川芎錢半

茯神錢半

為末每服二錢酒調下不拘時候日三服不可悞用野

菊花

虛眩三因芎歸湯治產後去血過多眩運不省及傷胎去血多

崩中夫血多金瘡去血多拔牙齒去血多不止懸虛心煩

眩運頭重目暗舉頭欲倒方見婦人

治虛眩丹頭眩屬氣虛挾痰無痰作眩不得治痰為主挾補氣藥

并降火藥濕痰多者用二陳湯 痰多因火動者二陳湯  
加酒芩眩運火動其痰二陳湯加黃芩蒼朮羌活散風行  
濕 水煮金花丸治頭眩方見後

丹眩運不可當者大黃三次酒炒乾爲末茶調下每服一  
錢至二錢 一男子年七十九歲頭目昏眩而重手足無  
力吐痰口口相續左手脉散大而緩右手緩而脉大不及  
於左重按皆無力飲食畧減而微渴大便三四日一行衆  
人皆與風藥至春深必死予曰此皆大虛證當以補藥作  
大劑服之衆怒而去余教用人參黃芪當歸身芍藥白朮  
陳皮濃煎作湯使下連栢丸三十粒如此者服一年半而  
精力如少壯時連栢丸冬加乾薑少許餘三時皆依本法  
連栢皆薑汁炒爲細末又以薑汁煮糊爲丸  
本治虛風頭旋吐痰涎不已養正丹

黑鉛

水銀

硫黃

硃砂各一

右用鐵盞一隻火上溶鉛成汁次下水銀用柳杖子打勻取下放少時下二味末令冷研爲粉用米飲丸或用棗肉丸如梧子大每服三十丸鹽湯下

此藥升降陰陽補接真氣非止頭旋而已

虛者宜補中

范天駭之內素有脾胃之病時顯煩躁曾中不利大便不通初冬出外而晚歸爲寒氣怫鬱悶亂大作火不得伸故也醫疑有熱治以疎風丸大便秘行而病不減又疑藥力少復加七八十丸下兩行前症仍不減復添吐逆食不能停痰唾稠粘湧出不止眼黑頭旋惡心煩悶氣短促上喘無力不欲言心神顛倒兀兀不止目不敢開如在風雲中頭苦痛如裂身重如山四肢厥冷不得安臥予謂前症乃胃氣已損復下兩次則重損其胃而痰厥頭痛作矣製半

夏白朮天麻湯治之而愈

天麻

分五

半夏

湯洗一錢半

人參

分五

白朮

錢一

蒼朮

分五

橘皮

黃芪

澤瀉

白茯苓

各五分

神麴

炒一錢

大麥蘖

一錢半

乾薑

分三

黃柏

分二

右件咬咀每服半兩水二盞煎至一盞去渣帶熱服食  
前此頭痛苦甚謂之足太陰痰厥頭疼非半夏不能療  
眼黑頭旋風虛內作非天麻不能除其苗為定風草亦  
治內風之神藥也內風者虛風是也黃芪甘溫瀉火補  
元氣人參甘溫瀉火補中益氣二朮俱甘苦溫除濕補  
中益氣澤瀉茯苓利小便導濕橘皮苦溫益氣調中升  
陽神麴消食滯胃中滯氣大麥蘖寬中助胃氣乾薑辛  
熱以滌中寒黃柏苦大寒酒洗以主冬天少火在泉發

躁也

右氣虛挾痰眩暈余嘗治一人臥則稍輕但舉足則頭旋眼黑以天麻半夏茯苓陳皮白附僵蚕參芪草歸生薑黃芩煎湯服之五六日愈蓋倣此方加減之也

濟芎朮湯治胃中濕痰眩暈嘔逆頭重不食

川芎

半夏酒洗

白朮

各一兩

甘草

炙半兩

右咬咀每服四錢水一盞生薑七片煎服不拘時有附子桂心無半夏

嚴旋覆花湯治中脘伏痰嘔逆眩暈

旋覆花

半夏

橘紅

乾薑

各一兩

枳櫛

人參

甘草

白朮

各半兩

右剉碎每服一兩薑水煎服

性者驚行水

仲卒嘔吐心下痞滿間有水眩悸者半夏加茯苓湯主之

方見 嘔吐 假令瘦人臍下有悸吐涎沫而頭眩此水也五苓

散主之方見傷寒

子和青黛散搐鼻取涎治眩神效方見頭痛

寒閉不出者吐之

頭風眩運可用獨聖散吐之吐訖可用清上辛涼之藥防風通聖散加半夏等味仲景云此痰結胸中而致也通聖散見

獨聖散

瓜蒂不以多少 鬱金各等分

右為細末每服一錢或二錢薑汁調下服之用雞翎探吐

大小便滯者得之

河間搜風丸治邪氣上逆風熱上攻頭目眩運大小便結滯

人參

茯苓各半兩

滑石二兩

藿香二錢半

乾薑

白礬生各一兩

蛤粉二兩

南星

大黃

黃芩各二兩

牽牛四兩

薄荷半兩

半夏一兩

寒水石一兩

右爲末滴水丸小豆大每十九生薑湯下加至二十九

日三服

體虛有  
寒者溫  
之

仲白朮附子湯治風虛頭重眩苦極不知食味暖肌補中

益精氣

白朮二兩

附子一兩半甘草一兩

右三味剉每五錢薑五片棗一枚水鍾半煎至七分去

查溫服

本治體虛有風外受虛濕身如在空中二生散

生附子一分生南星各等分

右二味咬咀每服四大錢水一鍾生薑十片慢火煎至



八分去查服戊午年予在新安有此疾張醫傳授此方

### 三服愈

仲息形  
腫者利

**伸心**下有支飲其人苦冒眩澤瀉白朮主之

短氣倚息形  
如腫為支飲

用澤瀉五兩白朮二兩以水二升煮一升分溫再服

運氣

運氣眩有二

一曰風助肝盛眩經云厥陰司天之政風行太虛雲物搖動目轉耳鳴三之氣風乃時舉民病掉眩又云厥陰司天客勝則耳鳴掉眩又云厥陰之勝耳鳴頭眩又云厥陰之復筋骨掉眩治以諸涼是也

二曰濕邪傷腎眩經云太陰司天濕淫所勝頭項腰背痛而眩治以苦熱是也

雜方

**河神妙散**搗鼻治頭目昏眩偏正頭痛

方見頭  
痛門

針灸

腦為髓之海其輪上在公其蓋下在風府髓海不足則腦

轉耳鳴脛痠眩冒目無所見

全文見針灸蓋者百會穴也補百會風府二穴則眩愈

上氣不足頭爲之苦傾目爲之眩補足外踝下留之

全文見針

灸邪在賢肩背頭項痛時眩取湧泉崑崙視有血者盡取

之針灸全文見

怪穴 頭目眩運 至陰

標 金門 申脉

壅 風池 神庭內風池通玄同 金門 瀉 三里 補

心頭暈怕寒些少風寒則目暗殭仆不分冬夏常用綿帽

包日夜不離一去帽卽發 百會 惺惺乙分悉 風池

二寸半主 頭大熱 豐隆二寸半

桑頭熱 上顙 風門 攢竹 百會

甲風眩善嘔煩滿神庭主之如顏色青者上星主之取上

星者先取諛諛後取天牖風池如頭痛顏青者顙會主之

診

風眩引頷痛上星主之先取譙譙後取天牖風池風  
眩目瞑惡風寒面赤腫前項主之風眩目眩顙上痛後  
項主之風眩驚手腕痛泄風汗出至腰陽谷主之腦  
風目瞑頭痛風眩目痛腦空主之風逆暴四肢腫濕則  
唏然寒飢則煩心飽則眩大都主之頭眩目痛至陰主  
之

丹左手脉數熱多脉澁有死血右手脉實痰積脉  
大必有久病

癰癩

癰癩即頭眩也痰在膈間則眩微不仕痰溢膈上則眩甚  
仆倒於地而不知人名之曰癰癩徐嗣伯云大人曰癰小  
兒曰癰其實一疾也然與中風中寒中暑尸厥等仆倒不  
同凡癰癩仆時口中作聲將省時吐涎沫省後又復發時

作時止而不休息中風中寒中暑尸厥之類則什時無聲省時無涎沫者後不復再發間有發者亦如癰癩之常法也

大法

丹癰屬驚與痰宜吐 大率行痰為主 黃芩 黃連

瓜蒌 半夏 南星 尋火尋痰分多少治之無有不愈

分痰與熱有熱以涼藥清其心 有痰必用吐藥吐後

用東垣安神丸 此證必用吐吐後用平肝之藥青黛柴

胡川芎之類

潮治長洪伏三脉風癰驚癰發狂惡人與火者灸第三椎

第九椎服局方妙香丸以針穿一眼子透冷水內浸少時

服之如本方若治弦細緩三脉諸癰似狂者李河南五生

丸妙香丸方見虛煩條

上實

氣亂于頭則為厥逆頭重眩仆全文見針灸

邪搏陽則為癰

疾

見診法下同針經九針云邪入於陽轉為癰疾

厥成為癰疾

厥氣上逆也

素帝曰人生而有病癰疾者病名曰何安所得之岐伯曰

病名為胎病此得之在母腹中時其母有所大驚氣上而

不下精氣并居故令子發為癰疾

奇病論

凡癰癰及中風中寒中暑中濕氣厥尸厥而昏眩倒仆不

省人事者皆由邪氣逆上陽分而亂於頭中也癰癰者痰

邪逆上也中風寒暑濕及氣厥尸厥者亦風寒暑濕等邪

氣逆上也邪氣逆上則頭中氣亂頭中氣亂則脉道閉塞

孔竅不通故耳不聞聲目不識人而昏眩無知仆倒於地

也以其病在頭顱故曰癰疾治之者或吐痰而就高越之

或鎮墜痰而從高抑之或內消痰邪使氣不逆或隨風寒

暑濕之法用輕劑發散上焦或針灸頭中脉絡而導其氣

皆可使頭顱脉道流通孔竅開發而不致昏眩也是知癰

高者因  
而越之

癩之癩與厥或癩疾眩冒癩疾之顛一疾也王太僕誤分  
癩為二疾獨孫真人始能一之今特冠此氣亂頭顛等經  
文於癩癩篇首使人知疾有所歸而治有所據也

局碧霞丹治五癩疾

方見上  
下門

正治暗風天麻南星半夏僵蚕白附子防風各半兩白礬  
二兩用木瓜一箇切去頂取穰納前藥末用原頂覆住麪  
包煨熟就搗如泥為丸又用皂角二寸敲細酒半盞浸一  
宿如發時取前藥一十九粒納口中用酒灌下取出痰即  
愈自省後日服三十粒薑湯下

治風癩及心風病用皂角三挺槌破濾汁熬如稀糊攤紙  
上晒乾取兩葉如小錢大用溫漿水浸洗去紙注於兩耳  
孔各一蜺殼許須臾涎下咬筋漚盡涎後服祛痰丸

代赭石

生一兩

白礬

生二兩

上者抑  
之行之

右為細末，稀糊為丸，如梧子大，每服三十丸，冷水送下。

不拘時。

仲風引湯治癩疾瘰癧。

方見寒熱錄

無礬丹丸治五癩百癩，無問陰陽冷熱。

礬丹

晉礬

各一兩

右用礬鑿一窠，可容二兩許，先安丹在下次，安礬在上，以炭五斤，熾令炭盡，取出，細研，以不經水猪心血為丸，如菴荳大，每服十九至二十丸，橘皮湯下。

世治暗風，遠年日久不愈，皆可服用。地黃、廣南道地者，不計多少，火煨醋淬七次，為細末，每服二錢，溫酒調下，年深者亦治。

羅參硃丸治風癩大有神效。

人參

蛤粉

硃砂

各等分

右為細末，豬心血為丸，如梧子大，每服三十九，金銀花湯下，食遠服。

神應丹治諸癰，用好辰砂不拘多少，為細末，用豬心血和之，得所以蒸餅裹蒸，取出就熱，丸如梧子大，每服一丸，食遠臥時煎人參湯下，大有神效。

琥珀壽星丸。

天南星

一斤，搗坑二尺，添用木炭五斤，煨熱取出，炭

芰，合過一宿，取出，

琥珀四兩，取末，

硃砂二兩，一半入藥，

豬心三箇，取血，另打生薑麪糊，攪令稠粘，將豬心血和入藥末，丸如梧子大，每服五十九，煎人參湯，空心送下。

日進三服。

我迷心  
之

世蜜陀僧散治暗風，取蜜陀僧成塊者，以鐵線纏，又用鐵線懸掛，火煨紅，用酒醋一升，炸盡，出火毒，研極細，每服一



錢麝香酒調下 治癰疾凌霄花一味為細末每三錢空心酒調服每服藥時以木梳不住手梳其髮又用冷水一碗逐口含之水温則換水盡佳梳如此四十九日永絕其根

楊氏家藏五癰丸治癰癰發作不問新久並宜服之

天南星

泡一兩

烏蛇肉

酒浸一宿去皮骨焙一兩

硃砂

二錢半另研

全蝎

二錢去毒炒

半夏

二兩酒洗焙

雄黃

一錢半另研

白附子

半兩

白僵蠶

一兩半炒去絲

麝香

三錢另研

白礬

兩

皂角

四兩提碎水半升揉汁與白礬同熬乾研

右為末薑汁煮麪糊丸如梧子大每服三十九薑湯下

丹治癰疾

川芎

兩

防風

猪牙皂角

鬱金

明礬

各一兩

蜈蚣

一條

右細末蒸餅丸如梧子大空心清茶下十五丸一日除根

羅治癩病心風病用天南星九蒸九曝為末生薑汁打糊為丸如梧子大每服二十九煎人參麥門冬葛蒲湯下亦可

風木

素春脉者肝也春脉太過為病在外善怒忽忽眩冒而癩疾全文見治法脈來弦實而強為太過歲木太過甚則忽忽善怒眩冒而癩疾全文見運氣類註

治巡檢夫人癩通聖散二錢半薑三片煎下犀角丸三粒

保防風通聖散

防風

川芎

當歸

芍藥

大黃

芒硝

連翹

薄荷

麻黃

不去節各五錢桔梗

黃芩

石膏

白朮

山梔

荊芥穗

各二錢半滑石

甘草

兩

右爲麤末每服一兩生薑煎溫服日再服

若勞汗當風寒薄爲皴鬱乃瘰此勞汗出於玄府脂液所凝去芒硝倍加芍藥當歸發散玄府之風當調其榮衛俗云風刺或生癰疹或赤或白倍加麻黃鹽豉菹白出其汗麻黃去節亦去芒硝以酢走血而內凝故不用之發汗罷依前方中加四物湯黃連解毒三藥合而飲之日二服故內經曰以苦發之爲熱在肌表連內也小便淋閉去麻黃加滑石連翹煎藥中調木香末一錢七麻黃主於表而不主於裏故去之腰脇走注疼痛者加硝石當歸甘草一服各二錢調車前子末海金砂

末各一錢故經曰腰者腎之府破傷風者如在表則辛以散之在裏則苦以下之蕪散之汗下後通利榮血祛逐風邪每一兩加荊芥穗大黃各二錢調全蝎末一錢羌活末一錢諸風癩瘡小兒急慢驚風大便秘結邪熱暴甚腸胃乾燥寢汗咬牙上竄睡語筋轉驚悸肌肉蠕動每一兩加大黃二錢梔子二錢茯苓末二錢七如肌肉蠕動者調羌活末一錢經曰肌肉蠕動命曰微風風傷於肺咳嗽喘急者每一兩加半夏桔梗紫苑各二錢如打撲傷損肢節疼痛腹中惡血不下每一兩加當歸大黃各三錢半調沒藥乳香末各二錢解利四時傷寒內外所傷每一兩加益元散一兩茺白十莖鹽豉一合生薑半兩水一碗同煎至五七沸或煎一小碗溫冷服一半以筋投之即吐吐罷後服一半稍熱

服汗出立解、如飲酒中風身熱頭痛如破者加黃連  
鬚二錢、薤白十莖依法立愈、慎勿用桂枝、麻黃湯解之  
頭旋腦熱、鼻塞濁涕時下、每一兩加黃連、薄荷各二錢  
半、內經曰、膽移熱於腦、則辛頰鼻淵、鼻淵者濁涕下不  
已、王註曰、膽液不澄、則為濁涕、不已如水泉者、故曰鼻  
淵也、此為足太陽脉與陽明脉俱盛也、如氣逆者、調木  
香末一錢、

脉滿大  
為熱

**素**心脉滿大、癰癰筋擊、

仲風引、湯除熱、癰癰又治大人風引、少小驚癰、癰癰日數  
十、發醫所不療、又治脚風、

大黃

龍骨

乾薑各四兩

桂枝三兩

甘草

牡蠣各二兩

寒水石

滑石

赤石脂

白石脂

紫石英

石膏各六兩

右十二味杵麤末篩以苧囊盛之取三指撮并花水三

升煮三沸溫服一升治風熱與食後量多少服之不困宜無不效

河犀角丸治風癩癰發作有時揚手擲足口吐痰涎不省

人事暗倒屈伸

犀角末半兩 赤石脂三兩 朴硝二兩 白僵蚕一兩

薄荷葉一兩

右為末麤糊丸如梧子大每服二十九至三十九溫水

下日三服不拘時候如覺痰多即減數忌油膩炙煖

龍腦安神丸治男婦五種癩癰無問遠年近日發作無時

茯苓去皮取末三兩 人參去蘆 地骨皮 甘草

麥門冬去心各二兩 龍腦三錢另研 牛黃半兩另研

硃砂二錢 桑白皮一兩 馬牙硝二錢另研 麝香三錢另研

烏犀角末一兩 金薄三十片

右十三味煉蜜為丸如彈子大金薄為衣冬月溫水化下夏月涼水又治虛勞發熱咳嗽語澁舌強日進三服

肝小急為癰

靈肝脉小急癰癢筋攣王註云肝養筋藏血肝氣受寒故癰癢筋攣二陰急

為癰厥上肺脉急甚為癰疾腎脉急甚為骨癰疾治

法由實

羅沉香天麻湯治癰癢癰筋攣方見小兒門

珠子辰砂丹治風癰久不愈者

薯蕷 人參 遠志 防風

紫石英 茯神 虎骨 虎睛

龍腦 五味子 石菖蒲 丹參

細辛各二錢半 珠子末四錢

右件為細末麴糊為丸如梧子大用硃砂二錢研細為衣每服三十五丸煎金銀花湯送下日進三服忌魚肉

濕痺動風之物

烏頭丸治五風癰病

川烏

草烏

天仙子

五靈脂各二兩

黑芷一升

右為細末滴水和丸如梧子大每服五七丸溫水下如中風加附子半兩

實

子和昔項開完顏氏病捕先右臂并右足約搗六七十數良久左臂并左足亦搗六七十數不瘥兩目直視昏瞶不識人幾月餘求治於余先涌其寒痰三四升次用導水禹功散泄二十餘行次服通聖散辛涼之劑不數日而瘥

羅法灸草麻子治諸癰病不問年深日遠

草麻子

去皮取仁二兩

黃連

去鬚剉如黃大一兩

右件用銀器水一大碗慢火熬水盡即添水熬二日兩



虛

夜爲度取出去黃連只用草麻子仁風乾不得見日用  
竹刀將草麻子每粒切作四塊每次服五粒計二十塊  
作一服用荊芥湯食後溫服服草麻子仁者終身忌食  
黃犯之則腹脹而死

并治一婦人四十五歲生子多觸胎時有腹痛每夜喜飲  
酒三盞即睡其夫性暴而諧謔所以借酒解怒忽九月望  
後癰病大作目上視揚手擲足甚強健舉體大筋皆動喉  
嚨如錐涎沫流口兩角如此一時辰許諸症皆靜狀如熟  
寢全不知人半時小腹漸痛上至心痛大作汗如雨自頭  
至乳而止如此半時痛漸減汗亦收痛作時却自言其痛  
其餘言語皆謬誤問亦不荅亦不知人痛定又熟寢如前  
癰與痛間作晝夜不息經兩宿方召予脉之痛作時脉四  
至半似弦非弦左弱於右予未敢與藥候癰作時再看形  
脉後作時六脉皆隱但有大筋轉於指下眼白青而面不

青手之動三倍於足予問之痛作時必欲重按比癰作時汗必不出其夫言果然予曰此非死證若尙能嚙藥則易治試以調香附子末灌之適癰勢稍定却嚙得半盞令急燒竹瀝未就時痛大作余以肝有怒邪因血少而氣獨行所以脾受病肺胃之間舊有酒痰爲肝氣所抑鬱而爲痛然酒喜動可以出入升降入內則痛出外則癰當乘其入內之時急爲點大敦行間中脘三處穴今分頭同時下火灸之足上艾火少灸先下腹上痛漸下至腰而止熟寢少時癰作如前證減半又以竹瀝入少薑汁灌下大半鍾灌時適值癰定但熟寐如前自是不省人事一晝二夜皆已棄之余曉之曰身不發熱因痛則汗出大便不通者五六日自予來亦未見其小水非死症當是血少無神而昏耳爾爲痛指人中俄而呻吟急以人參湯同竹瀝灌之又昏

睡如前余教以作人參白朮膏入竹瀝調下如此二晝夜  
凡用人參一斤白朮二斤眼忽能開手能舉自言胃膈滿  
而舉身皆痛耳目仍未有聞見忽自溺床甚多余聞之甚  
喜且得癰與痛皆不作但教令用陳皮芍藥甘草川芎湯  
調參朮膏又加竹瀝飲之余欲往他處且與脉之聞其作  
聲余自知謬拙不教以粥與藥間服急令作稀粥與之止  
嚙得三四匙牙禁不受余遂以木楔幹開以稀粥入藥湯  
又與竹瀝同灌一大鍾蓋是粥多而藥居三之一予遂出  
門教令粥藥相間與之予在二十里外未申間天大風作  
予料此婦癰必作特往視之癰不作而痛作脉去來急無  
次急為灸然谷太衝巨闕灸罷痛定問其要粥否荅曰我  
正飢其夫飲之以粥嚙兩鍾予乃往他處仍教以藥湯調  
參朮膏竹瀝與粥間與之如前第二夜半時召予甚急往

視之癩病大作奪手不能診脉令人扶定兩時予捉其中  
指強而脉之四至半、愈大有力、左右同而右少緩口妄言  
而無次又怒罵人、眼上視不瞬而嘔、又欲起走其狀若有  
所憑然予捉定兩手為灸兩大指背、半甲半肉際各三壯、  
怒狀稍殺求免、索粥視之耳目仍未有聞見昏寐至夜半  
狂怒大作、且言鬼怪之事而師巫至大罵巫者予靜思之  
氣因血虛亦從而虛邪因入理或有之、且與補藥血氣若  
克邪當自退、仍與前藥又恐痰頑佐以荆瀝、又以秦承祖  
灸鬼法灸之、哀告我自去、昏睡一晝夜忽自起坐索粥其  
夫與之方問夫你面垢如許、惟床上有香氣、繼又無所知  
識、惟開眼不睡、手足雖能運動却作尋摸態、如此又二晝  
夜粥食稍加、又溺床多如前、予益喜、仍守前藥、予又往他  
處、次日晚忽來召予、急往視之、病人自言、渾身皆痛、脉之

皆五至左右均而和曰參朮膏俱盡遂教令就與前藥中  
加參朮煎去荆瀝加香附末與一服覺甚快余且令守此  
藥至次夜半又來告急曰前痛大作往視之坐桶上叫聲  
甚高予思之此虛病亦多汗腸燥而糞難耳痛當在小腹  
與腰急烘琥珀膏六者貼小腹仍教以熱手摩腰腎間連  
得下氣而痛減就睡少時又起如是者五六次一醫者勸  
令用通利藥予曰痛與死孰爲輕重且堅忍至夜半後當  
自通又往他處至四更來告急往視之痛大作予令坐以  
溫湯中當自下換湯痛定覺甚快第二桶湯下結糞二塊  
就睡天明予又往他處至晚又告急予視痛大作連及兩  
脇手不可近予思之此痛無因若結糞未盡痛當在下今  
痛在上必因食多問之果然醫者欲用感應丸予教勿與  
粥藥病者力索藥遂以香附末令舐之至夜半痛漸減天

久痛為  
痰積

明覺畧飢索粥予曰非飢也乃嚙耳勿與而自安其家又  
自與粥至辰已間予往他處至晚痛又作而病者索香附  
末不已遂以湯調半碗與之探令吐猶有宿食痛遂止予  
又往他處至夜半又告痛復作詢之以醋拌蘿蔔苗吃粥  
又以香附末探吐之痛定教令一晝夜勿與食至次日少  
與淡粥覺飢時以陳皮湯下白朮丸如此調理自安  
痰癰癰治法並見上虛條

治風癰病久不能愈者從厚朴丸春秋加添外又於每  
一料中加人參菖蒲茯苓各一兩五錢和劑服之厚朴丸方見吐  
門

陰陽

垣升陽湯治陽蹇癰足太陽下行宜升陽氣

麻黃

八錢去節

羌活

一兩半

防風

根八錢

炙甘草

五錢

右咬咀每服三錢水五大盞煎至一盞去查稍熱服宿

食消盡腹中空服之後避風寒一二時辰乃效

潔晝發治陽蹻申脉二穴在足外踝下陷中容爪甲白肉際是也夜發治陰蹻照海二穴在足內踝下陷中是也先灸兩蹻各二七壯然後服前藥

主治百病風癲用麻仁四升水六升猛火煮令芽生去查煎取七合旦空心服或發或不發或多狂語勿恠之但令人摩手足須臾即定凡進三劑無不愈

羅神應丹治諸風心痛病

孤肝一具

烏鴉一隻

鴟梟一箇

白礬一兩

野狸

一箇去肚腸不用皮毛用新瓦罐盛肉以炭火焚爛

生犀角末一兩

右為末用酒打麩糊為丸如皂子大硃砂為衣每服一丸酒送下不拘時候

楊氏蝎虎治癰法見小兒驚癰門妙

靈暴癰眩足不任身取天柱

氣亂於頭則為厥逆頭重眩仆取之天柱天杼不知取太陽榮輸於此義同

癰疾始生先不樂頭重痛視舉目赤甚作極已而煩心候

之于顏取手太陽陽明太陰血變而止癰疾始作而引

口啼呼喘悸者候之手陽明太陽左強者攻其右右強者

攻其左血變而止癰疾始作先反偃因而脊痛乃候之

太陽陽明太陰手太陰血變而止俱出癰

玉瀾此灸瀕必先下之乃可灸不鳩尾必高千乃可下

可灸此則

今人健忘

通後谿 鳩尾 湧泉 心膈

藥陽交 三里 後谿 太衝 間使



癰風癰熱病心風驚癰 上脘 三里

桑天吊 巨關寸三 百會 顛門

東癰 平旦發者足少陽 晨朝發者足厥陰 日中發

者足太陽 黃昏發者足太陰 人定發者足陽明 半

夜發者足少陰 心癰面赤心下熱短氣喘息 巨缺灸三

壯 肝癰面青反視手足搖動 丘墟壯三 中封壯三 脾

癰而黃腹大善利 胃脘并脘傍一寸各三壯 衝陽

隱白 肺癰面白口吐沫 肺膺 少商 少陽各三壯

腎癰面黑正直視身不搖如尸厥 金戶 少海 至陰

湧泉各三壯 膈癰四肢不舉 風府一七壯 百會

人中 承漿各三壯 腸癰都無動靜如尸厥狀 承山

湧泉 勞宮 翳風各隨年壯

馬癰目張搖頭馬鳴欲反折 風府三壯 神關一分

牛癩目直視腹滿 鳩尾尖三壯 大椎三壯

羊癩揚目吐舌 大椎三壯

猪癩吐濁沫口動搖 浮白三壯

犬癩手屈拳攣 勞宮一壯 絲竹空 肋戶各一壯

分 雞癩搖頭反折善驚目搖 至陰 竅陰 厲兌各一壯

甲癩疾多言耳鳴目僻頰腫實則聾齒喉痺不能言齒痛  
卓然血虛則痺膈偏歷主之 癩疾吐舌鼓頰狂言見鬼  
溫濡主之五壯 癩疾吐舌曲池主之 癩疾互引僵仆  
中脉主之先取陰蹻後取京骨 癩疾狂妄行振寒京骨  
主之 癩疾身痛狂善行束骨主之 癩疾僵仆轉筋僕  
參主之 癩疾目眈眈軌血崑崙主之 狂癩疾體痛飛  
揚主之 癩疾反折委中主之 癩疾憎風而振寒不得

言得寒益甚身熱狂走欲自殺目反妄見癡瘖泣出死不知人肺膈主之 癲狂膈膈及肝膈主之 癲疾僵仆目妄見恍惚不樂狂走癡瘖絡都主之 癲疾互引反折戴眼及眩狂走不得臥心中煩攢竹主之 癲疾發寒熱大煩滿悲泣出解谿主之 癲疾互引口喎喘悸者大迎主之取手陽明太陰變血而止 癲疾狂多食喜咲不發於外煩心渴蘭丘主之 癲疾嘔沫神庭及兌端承漿主之其不嘔沫本神及百會後頂玉枕天衝大杼曲骨尺澤陽谿外丘當上腕傍五分通谷金門承筋合陽主之委中下二十爲陽 癲疾互引水溝及斷交主之 癲疾上星主之先取噫嘻後取天牖風池 癲疾嘔沫暫起僵仆惡見風寒面赤腫頤會主之 癲疾癡瘖狂走頸項痛後頂主之後頂在百

會後一十五分

癲疾狂走癡瘖搖頭口喎戾頸強強間主之

癲疾骨痠眩狂癡瘖口噤羊鳴刺腦戶 狂易多言不休  
及狂走欲自殺目反妄見刺風府 癲疾怒欲殺人身柱  
主之 狂走癲疾脊急強目轉上插筋輸主之 癲疾發  
如狂走者面皮厚敦敦不治虛則頭重洞泄淋瀝大小便  
難腰尻重難起居長強主之 寒厥癲疾噤呵癡瘖驚狂  
陽交主之 癲疾大瘦腦空主之 癲疾僵仆狂虛腕骨  
及風池主之 癲疾狂癡瘖眩仆瘖不能言羊鳴沫出聽  
宮主之 癲狂煩滿刺絲竹空 癲疾吐舌沫出羊鳴戾  
頸天井主之 天井在肘後 癲疾氣短嘔血胸背痛行間主之  
痿厥癲疾洞泄然谷主之 癲狂互引天柱主之  
右針灸癲法內經但取手足太陽陽明太陰六經而已  
今甲乙經等書又多取督經手足太陽足少陰厥陰蓋  
隨症取之然學者當以內經為主也

診

靈骨癰疾者顛齒諸膺分肉皆滿而骨居汗出煩惋嘔多

沃沫氣下泄不治

雖苦感切○骨居汗出千金作骨倍強直汗出

筋癰疾者身

倦墜急大刺項大經之大桡嘔多沃沫氣下泄不治脉

癰疾者暴仆四肢之脉皆脹而縱脉滿盡刺之出血不滿

灸之挾項太陽灸帶脉于腰相去三寸諸分肉本輪嘔多

沃沫氣下泄不治

癰疾者疾發如狂者死不治

治癰

疾者嘗與之居察其所當取之處病至視之有過者瀉之

置其血於瓠壺之中至其發時血獨動矣不動灸窮骨二

十壯窮骨者骶骨也

俱出癰疾篇

來疾去徐上實下虛為厥癰疾

全文見治虛實法

素癰疾脉搏大滑久自已脉小堅急死不治

通評虛實論

癰

疾脉虛則可治實則死

同上

脉癰疾脉實堅者生脉沉細小者死

此見與內經相反更詳之當以內經為正

風熱

子癰

雲葛根湯治妊娠臨月因發風瘰忽悶瞶不識人吐逆眩  
倒名曰子癰

葛根

貝母去心

牡丹皮

防風

當歸

川芎

白茯苓

桂心

澤瀉

甘草各二兩

獨活

石膏

人參各三兩

右咬咀以水九升煮取三升分溫二服貝母令人易產  
未臨月升麻代之

丹治一婦人懷妊六月發癰手足揚直面紫黑色合眼涎  
出昏瞶不省人事半時而醒醫與震靈丹五十餘貼其疾  
時作時止無減症直至臨產方自愈產一女孽中子母皆  
安次年其夫疑丹毒必作求治之診其脉浮取弦重取瀉

按至骨則沉實帶數時正二月因未見其癰發正狀未敢與藥意其舊年癰發時乃五月欲待其時度此疾必作當審諦施治至五月半其疾果作皆是午巳兩時遂教以自製防風通聖散用生甘草加桃仁多紅花少或服或吐至四五劑疾漸疎而輕發為疥而愈

大治子癰用硝砂末酒調下二錢

詳見安胎

瘰

勞風

胎前瘰

產後瘰

大法補虛

瘰病者口噤角弓反張者是也

丹瘰大率與癰病相似比癰為虛宜帶補多是氣虛有火兼痰宜服人參竹瀝之類不用兼風藥

無此症多由亡血筋無所營故邪得以襲之所以傷寒汗下過多與夫病瘡人及產後致斯病者衆可見矣

丹一男子二十餘歲患疽瘡屬謝後忽患口噤不開四肢

強直不能屈時或透臍腹痛一陣則冷汗如雨痛定則汗止時作時止其脉極弦緊而急如真弦狀向知此子極勤苦意其因勞倦傷血山居多風寒乘虛而感又因痘瘡其血愈虛當用辛溫養血辛涼散風遂以當歸身芍藥爲君川芎青皮釣藤爲臣白朮陳皮甘草爲佐桂枝木香黃連爲使更加紅花少許煎十二貼而安

兩神朮加羌活麻黃湯治剛痙解利無汗

神朮方見傷寒太陰

白朮加桂心黃芪白朮湯治柔痙解利有汗

白朮方見傷寒太陰

太陽陽明加川芎、荊芥穗、正陽陽明加羌活、酒大

黃、少陽陽明加防風、柴胡根、

熱而在表者加黃芩、寒而在表者加桂枝黃芪附子、熱而在裏者加大黃、寒而在裏者加乾薑良薑附子、已上數經寒熱當以脉別之、



表症風  
太陽

防風當歸散

防風

當歸

川芎

地黃各一兩

右剉每服一兩水三盞煎至二盞溫服

仲活人治瘧法並見後表裏陰陽條 太陽病發熱無汗而反惡寒者名曰剛瘧 太陽病發熱汗出而不惡寒者名曰柔瘧

仲葛根湯治太陽無汗而小便反少氣上衝胸口噤不得語欲作剛瘧葛根湯主之方見傷寒

若發熱無汗反惡寒者名曰剛瘧宜麻黃加獨活防風湯

麻黃去節

桂枝各一兩

芍藥三兩

甘草半兩

獨活

防風各一兩

右剉細每服一兩水二鍾煎至一鍾半溫服

仲瓜蒌桂枝湯太陽病其症備身體強几几然脉反沉遲

此為柔痊海藏治有汗而為柔痊

瓜蒌根二兩 桂枝三兩 甘草二兩 生薑三兩

大棗十二枚 芍藥二兩

右六味以水九升煮取三升分溫三服取微汗汗不出食頃啜粥發之

海若發熱自汗而不惡寒者名曰柔痊宜桂枝加川芎防風湯

桂枝 芍藥 生薑各一兩半 甘草

防風 川芎各一兩 大棗六枚

右剉細每服一兩水三盞煎至一盞半去渣溫服

凡剛柔二症並可與小續命湯方見中風門但去查入生薑汁 小續命

湯加減法 若柔痊自汗者去麻黃夏間及病有熱者減

桂枝一半冬及初春去黃芩

續命湯治卒中半身不遂手足拘急不得屈伸身體冷或智或癡或身強直不語或生或死狂言不可名狀角弓反張或欲得食或不用食大小便不利皆療之

人參

桂心

當歸

獨活

黃芩

乾薑炮

甘草

炙各七錢半

石膏

一兩半

杏仁

四十枚

右九味咬咀以水九升煮取三升分溫三服日二服取

汗無汗者加麻黃

裏証偏陽明

仲剛症為病曾滿口噤臥不着席脚攣急必齧齒可與大

承湯

方見傷寒

子和呂君玉之妻年三十餘病風搐目眩角弓反張數日

不食諸醫皆作驚風暗風風癇治之以天南星雄黃天麻

烏附用之殊無少效戴人曰諸風掉眩皆屬肝木曲直搖

平素半  
裏屬少  
陽

動風之用也陽主動陰主靜由火盛制金金衰不能平木  
肝木茂而自病因涌風涎二三升次以寒刺下十餘行又  
以排針刺百會穴出血一盃立愈

潮若汗後不解乍靜乍躁目直視口噤往來寒熱脉弦者  
少陽風瘧宜柴胡加防風湯

柴胡

兩

人參

錢五

半夏

錢六

黃芩

錢五

生薑

甘草

各六錢半

防風

兩一

棗

三箇

右剉每服一兩水三盞煮至一盞半去渣溫服

太陽陽  
明合病

若發汗過多發熱頭面暈卒口噤背反張者太陽蕪陽明  
也宜去風養血防風當歸散主之

方見本門  
大法條

瘧分陰  
陽

陽瘧並見表裏條仲景雖曰瘧皆身熱足寒然屬陽不厥  
逆

陰瘧無  
汗

百一治中風身直不得屈伸反覆者取槐皮黃白者切之

以酒或水六升煮取二升去查服

于倉公當歸湯治賊風口噤角弓反張症方

當歸

防風

錢各七半

獨活

一兩半

附子一枚

細辛兩半

麻黃

一兩二錢半

右咬咀以酒五升水三升煮取三升服一升口不開者

格口納湯一服當蘇二服小汗三服大汗

活八物白朮散治陰痿一二日面腫手足厥冷筋脉拘急

汗不出恐陰氣內傷

白朮

茯苓

五味子

各半兩

桂心三分

蘇黃

兩半

良薑

一分

羌活

兩半

附子三分

右為末每服四錢水一大盞生姜五片同煎至五分去

查溫服無時

潮若發熱脉沉而細者附太陰也必腹痛宜桂枝加芍藥

防風防已湯 又宜小續命湯

桂枝一兩

防風

防已各一兩

芍藥二兩

生薑一兩

大棗六枚

右剉每服一兩水三盞煎至一盞半去查溫服

陰虛有汗

活附子散陰虛手足厥逆筋脉拘急汗出不止頭項強直頭搖口噤

桂心三錢

附子一兩

白朮一兩

川芎三錢

獨活半兩

石為末每服三錢水一鍾棗一枚煎至五分溫服

桂心白朮湯治陰虛手足厥冷筋脉拘急汗出不止

白朮

防風

甘草

桂心

川芎

附子

石為末每服五錢水二鍾生薑五片棗二枚同煎至七

分去查溫服

附子防風散治陰瘧閉目合面手足厥逆筋脉拘急汗出不止

白芷兩一

防風

甘草

各三分

桂心

兩半

附子分三

乾薑

分三

柴胡

兩一

茯苓

分三

五味子

兩一

藏府

右為末每服三錢水二盞生薑四片同煎去查溫服

潮發汗太多因致瘧身熱足寒項強惡寒頭熱面腫目赤頭搖口噤背反張者太陽瘧也 若頭低視下手足牽引肘膝相攢陽明瘧也 若一月或左右邪視并一手一足搐搦者少陽瘧也汗之止之和之下之各隨其經可使必已

右太陽瘧屬表無汗宜汗之有汗宜止之陽明瘧屬裡

宜下之少陽瘧屬半表半裏宜和之所謂各隨其經也  
丹盧婦人因怒手足強直十指如束左脉弦虛右脉弦大  
而強稍堅此風木攻脾土宜速瀉肝氣助肺金補脾土之  
陰

黃連錢二

天南星

白朮

人參

黃芩

天麻

川芎

木通

陳皮

青皮錢半

甘草一分

作一貼煎取一盞入薑汁令辣再沸熱服

肺移熱於腎傳為柔痙金文見診

運氣

運氣痙有三 一曰風經云厥陰在臬客勝則大關節不

利內為痙強拘急外為不便又云諸暴強直皆屬於風是

也 二曰濕經云諸痙頑強皆屬於濕王註謂陽內鬱而

陽行於外是也 三曰寒包熱經云火太過曰赫熱赫熱



雜方

之紀上羽與正徵同其病瘥蓋司天之寒東火於中亦陰陽內鬱陰行於外之意也

匿治角弓反張胞衣瓶內水鷲毛挑入患人口唇即愈

附治中風身體強直不得屈伸反覆括枳樹皮細切一升以酒二升浸一宿每日溫酒服半升酒盡再作枳實即枳

濕效

子治口噤手足不隨而身體強直伏龍肝五升以水七升

和攪取汁飲之

診

仲病者身熱足寒頸項強急惡寒時頭熱面赤目赤獨頭

動搖卒口噤背反張者瘥病也

活人書云外症發熱惡寒與傷寒相似但其脈沉遲

弦細而項背反張為異耳

太陽病發汗太多因致瘥夫風病下之

則瘥復發汗必拘急夫瘥脈按之緊如弦直上下行

脈瘥家其脈伏堅直上下行

無凡瘧脉皆伏沉弦緊

仲太陽病發熱脉沉而細者名曰達為難治 瘧病有灸

瘧難治此破傷風之類 瘧病若發其汗者寒濕相搏其表益虛

即惡寒 瘧病發其汗已其脉冷冷如蛇暴腹脹大者為

欲解脉如故反伏弦者瘧

針灸

風瘧身反折先取足太陽及臍中及血絡出血中有寒

取三里熱病

素太陽所謂強上引背者陽氣太上而爭故強上也脉解篇

督脉為病脊強反折骨空篇

足少陰之筋循脊內挾脊上至項其病主癰瘕及瘧在外

者不能俛在內者不能仰故陽病者腰反折不能俛陰病

者不能仰治在燔針

甲風瘧身反折先取太陽及臍中及血絡出血 瘧中有

寒取三里 痙取之陰踰及三毛上及血絡出血 痙取  
顙會及百會又膈輸上關光明主之 痙目不瞬刺腦戶  
痙脊強反折痙癱癰疾頭重五樞主之 痙互引善驚  
天衝主之 痙反折心痛形氣短尻腫瀉小便黃閉長強  
主之 痙筋痛急互引肝輸主之 熱痙脾輸及腎輸主  
之 痙口噤互相引口乾小便赤黃或時不禁承漿主之  
痙驚互引脚如結喘如裂束骨主之 痙反折互引腹  
脹掖攣背中怏怏引脇痛內引心中脊內肺輸主之 又  
刺陽明從項而數背椎俠脊脊而痛按之應手者刺之尺  
澤三病立已

勞風

即痙之偏

虛邪 **四**云痙比癰爲虛蓋因勞汗遇風內挾太陽寒濕之邪治  
亦與痙同法但當視其所勞則知虛在何處如方論則

未

虛汗出腠理開風入皮膚得寒則閉風不能出與水俱行  
其人當目下腫如臥蚕之狀戴人云腎主水其經至于目  
下故也不禁房室則死明其虛在腎也所以關於太陽何  
也太陽主寒其經最在外腠理得寒則閉故太陽先受邪  
也治宜八物白朮散倉公當歸湯

河間芎朮丸

方未攷

皂角化痰丸

方見咳嗽條

胎前瘧

此病多由風寒濕乘虛而感皆從太陽經治之

活獨活防風湯

治瘧太陽有汗

桂枝兩

芍藥兩

甘草兩

獨活

防風兩

右剉細每服一兩水二鍾煎至一鍾溫服

防風葛湯

治瘧太陽無汗

葛根兩四

麻黃兩三

芍藥

防風各二

桂枝兩一

右剉細每用一两先煮麻黃去上沫入後藥同煎數沸  
溫服

產後症

竹瀝湯 治產中風口噤面青手足急強用竹瀝一竹  
分爲五服微溫頻服大效

此症因虛遇風挾痰而作宜服人參竹瀝之類

虛痰

產問曰產後汗出多而變症者何答曰產後血虛腠理不

密因遇風邪搏之故變症也宜速斡口灌小續命湯稍緩

解表

即汗出如雨手拭不及不可救也小續命方見前症條

舉鄉古拜散 治新產血虛症者荆芥穗不以多少瓦上

微炒爲末大茸黃卷熱酒沃之去黃卷取汁調四五錢和

查飲之其效如神

干大荳紫湯 治產後中風形如角弓反張口噤涎潮黑  
荳半升炒令焦黑烟起以無灰酒二升沃之入磁器中每  
用一盞入獨活五錢同煎至六七分去滓溫服

按續命已下三方太陽厥陰藥也邪實脉浮弦有力者  
固宜但產後血氣大虛之人不宜輕發其表但用防風  
當歸散治之為妙

血虛

海防風當歸散

方見前  
症條

破傷風

痙瘓

顫振

產後痙瘓

破傷風者因瘡熱甚鬱結而榮衛不得宣通怫熱因之遍  
體故多白痂是時瘡口閉塞氣難宣通故熱甚而生風也  
先辨瘡口平無汁者中風也邊自出黃水者中水也並欲  
作瘕急治之又痛不在瘡處者傷經絡亦死症也初覺瘡

大法

腫起白痂身寒熱急用玉真散貼之傷在頭面急嚼杏仁和雄黃白麝傳瘡上腫漸消為度若腰脊反張四肢強直牙關口噤通身冷不知人急用蜈蚣研細末擦牙吐出涎沫立甦亦宜按摩導引

阿破傷風風熱躁甚佛鬱在表而裏氣尚平者善伸數欠筋脉拘急或時惡寒或筋惕而搐脉浮數而弦也宜以辛熱治風之藥開衝結滯而愈猶傷寒表熱佛鬱而以麻黃湯辛熱發散也凡用辛熱開衝風熱結滯宜以寒藥佐之則良免致藥中病而風熱轉甚也如治傷寒發熱用麻黃桂枝加黃芩石膏知母之類是也若止以甘草滑石蔥豉寒藥發散甚妙若表不已漸傳入裏裏又未太甚而脉弦小者宜以退風熱開結滯之寒藥調之或微加治風辛熱亦得猶傷寒在半表半裏而以小柴胡和解之也若裏勢

已甚而舌強口噤項背反張驚惕搐搦涎吐稠粘胸腹滿  
寒便溺秘結或時汗出脉沉洪數而弦也然汗出者由風  
熱鬱甚于裏而表熱稍罷則腠理疎泄而心火熱甚故汗  
出也法宜除風散結寒藥下之後以退風熱開結滯之寒  
藥調之則熱退結散而風自愈矣

背後搐者羌活獨活防風甘草向前搐者升麻白芷獨活  
防風甘草兩傍搐者柴胡防風甘草右搐加滑石

解表  
河玉真散

南星

防風各等

右爲末生姜汁酒調服傷處以此貼之

羌活防風湯 治破傷風初邪傳在表

羌活

防風

川芎

藁本

當歸

芍藥

甘草

地榆



細辛各一兩

右咬咀每服五錢水二盞煎八分熱服熱則加黃芩一

兩大便秘加大黃一兩

防風湯見前風條

蜈蚣散

蜈蚣對

魚鱧五錢炒

左蟠龍半兩炒

右爲細末用防風湯調服

實表白朮防風湯若服前藥已過歲府和有自汗者宜服此藥

白朮

防風

黃芪各一兩

右咬咀每服七錢水二盞煎至一盞去滓溫服

攻裏大芩黃湯臍秘小便赤自汗不止者宜速下之

川芎一兩

黃芩六錢

甘草半兩

大黃一兩

右咬咀每服五錢水一盞半煎至一盞去滓溫服以利

為度

江鱧丸 治破傷風驚而發搐厥府秘澁知病在裏

江鱧半兩 野鴿半兩 雄黃一錢 蜈蚣一對

天麻兩 白殭半兩

右為細末分作三分先用二分燒餅為丸如桐子大硃砂為衣又用一分入巴莖霜一錢同和亦以燒餅為丸不用硃砂為衣每服硃砂為衣丸藥二十丸入巴莖霜丸藥一丸次服二丸漸加至利為度再服硃砂為衣丸藥病愈止

和解 羌活湯 利後宜服搐瘥不已亦宜服

羌活 獨活 地榆各一兩

每服五錢水一盞半煎至一盞去滓溫服如有熱加黃芩有痰加半夏

地榆防風散 治半表半裏頭微汗身無汗

地榆

防風

地丁香

馬薊見略一

木為細末每服三錢溫米飲調下

虛

養血當歸地黃散日久氣血漸虛邪氣入胃宜養血四物湯加防風藁本白芷細辛各等分為細末每用五錢水一盞半煎至一盞溫服

痲癰

風火

病筋脉相引而急名曰痲癰俗謂之攣是也

河諸熱瞽癰皆屬於火熱勝風搏併于經絡風主動而不寧風火相乘是以熱瞽癰生矣治法祛風滌熱之劑折其火熱瞽癰可立愈若妄加灼艾或飲以發表之劑則死不旋腫矣

診治

素問云心脉急甚者為痲癰此心火虛寒也治宜補心生

黃散主之靈樞云心脉滿大癰瘕筋攣此心火實熱也治  
宜瀉心火涼驚丸主之肝脉小急亦癰瘕筋攣此肝虛也  
續斷丸主之若肝脉盛者先救脾宜加減建中湯素問云  
脾脉急甚者亦為癰瘕此脾虛肝乘之而癰也故宜實土  
瀉肝木之劑

虛實汗多不止為虛無汗能食為實

脾胃

垣人參益氣湯 治熱傷元氣四肢困倦手指麻木時時  
癱瘓

黃芪錢二

甘草炙

升麻各五分

五味子三十粒

柴胡六分

生甘草五分

人參二錢

炙甘草五分

白芍藥七分

右咬咀作一服水二盞煎至一盞去查熱服

獨活湯 治風虛昏瞶不自覺知手足癱瘓或為寒熱血

虛不能服發汗藥及中風自汗尤宜服之

獨活

羌活

人參

防風

當歸

細辛

茯神

遠志

半夏

桂心

白薇

菖蒲

川芎

各五錢

北草

二錢半

每服一兩水二盞生薑五片煎八分食後溫服

胃風湯 治虛風症能食麻木牙關緊急手足痠癱目肉

蠕睨胃中有風面腫

白芷

二錢

升麻

二錢

葛根

一錢

蒼朮

一錢

甘草

五分

柴胡

藁本

羌活

黃柏

草薺

各五分

麻黃

半錢不

蔓荊子

一錢

當歸身

一錢

右咬咀水二鍾姜二片棗二枚煎至一鍾溫服

腎

千薯預丸 治虛勞不足風氣百疾頭目眩冒驚悸狂癲

薯蕷

八分

當歸

十分

桂心

七分

神麴

炒

熟地

各十分

甘草

二十分

人參

十分

芍藥

五分

芍藥

白朮

麥門冬

杏仁

各六分

柴胡

桔梗

茯苓

各五分

鹿角膠

七分

乾姜

三分

白朮

三分

防風

六分

大棗

一百枚

黃芩

六分

大黃

卷七分

右二十二味末之和棗膏煉蜜丸如彈子大空腹酒服

一九日三服

續斷丸 治肝勞虛寒脇痛脹滿眼昏不食癢縮瘕瘕

續斷

酒

川芎

當歸

酒

半夏

湯泡

橘紅

乾姜

炮各

桂心

甘草

炙各

右為細末蜜丸如桐子大每服百丸白滾湯下

肝

心

牛黃散 治心虛風筋脉攣搐神昏語澀

牛黃

龍腦

硃砂

麝香各一錢

蟬蛻

烏蛇肉酒浸一兩

全蝎炒

殭蚕炒

桑螵蛸

羚羊角

阿膠炒

天麻

防風

甘菊花

蔓荊子

桂心

細辛

側子炮去皮

獨活去芦各半兩

犀角半兩

麻黃七錢半

右為細末和勻再研每服一錢豈淋酒下

續命煮散 治風氣留滯心中昏憤四肢無力口眼𦞞動

或時摘揪或渴或自汗

防風

獨活

當歸

人參

細辛

葛根

芍藥

川芎

甘草

熟地

遠志

荊芥

半夏

各五錢

官桂

七錢半

每服一兩水二盞生薑三片煎至八分去渣通口服汗

多者加牡蠣粉一錢半

風熱獨活散 消風化痰

細辛

石膏

甘草

各半兩

防風

藜蘆

旋覆花

川芎

蔓荊子

獨活

右為細末每服三錢姜三片水一大盞煎七分食後服

運氣運氣瘕瘕有二

其一曰火經曰火鬱之發民病嘔逆瘕瘕又曰少陽所至

為暴注瞋瘕又曰少陽司天客勝則為瘕瘕是也

其二曰水經曰陽明司天燥氣下臨木氣上從民病脇痛

目赤掉振鼓慄又曰歲土太過雨濕流行民病足痿不收



針灸

行善瘕又曰太陰之復頭項痛重而掉瘕尤甚是也

甲卒心中痛瘕瘕互相引肘內廉痛心熱然間使主之  
熱病先手臂身熱瘕瘕唇口聚皁張目下汗出如轉珠  
兩乳下二寸堅脇滿悸列缺主之 振寒瘕瘕手不伸欬  
嗽唾濁氣膈善嘔尺澤主之 大風嘿嘿不知所痛嗜臥  
善驚瘕瘕天井主之 頭重鼻衄及瘕瘕至陰主之 身  
熱狂走譫語見鬼瘕瘕身柱主之  
干腹滿瘕瘕心痛氣滿不得息巨闕主之 嘔血時瘕善  
提頭顏青汗出不過肩傷寒溫病曲澤主之

顫振

顫提也振動也風火相乘動提之象比之瘕瘕其勢為緩  
內經云諸風掉眩皆屬於肝掉即顫振之謂也又曰諸禁  
鼓慄如喪神守皆屬於熱鼓慄亦動提之意也此症多由

風熱相合亦有風寒所中者亦有風挾濕痰者治各不同也常見此症多於傷寒熱病初起中無見者多是熱甚而也然虛亦有之皆能從脈動而利而不發病此之中風雖者微有不同

風濕

星附散 治中風雖能言口不喎斜手足躄曳者

天南星

半夏已上俱用姜制人參

黑附子去皮

白附子

茯苓 川烏去皮

殭蚕

沒藥各等分

右咬咀每服五錢水酒各一盞煎八分熱服并進得汗為度

風熱

獨活散見前癰瘰條

天

千金牙酒 療積年八風五疰舉身躄曳行步跛躄不能收持

金牙

碎如米粒用小絹袋盛

地膚子

無子用莖葉一方用蛇床子

熟地

胡藿根

附子

防風

細辛

莽草各四兩

川椒合四

羌活一斤

一方用獨活

右十味咬咀盛以絹袋用酒四斗於磁器中漬封固勿令泄氣春夏三四宿秋冬六七宿酒成去滓日服一合常令酒氣相接不盡一劑病無不愈

產後痙瘲

產後因虛傷風痙瘲同傷表症未傳入裏宜服防風湯前

門風

愈風湯 治產後中風口噤痙瘲亦治血暈四肢強直用

荆芥略炒為末每服三錢豆淋酒下

增損柴胡湯 治產後感異症手足牽搐涎潮昏悶

柴胡

黃芩二錢

人參一錢

甘草錢半

石膏二錢

知母一錢

黃芪二錢

半夏一錢

右咬咀分二服水二盞姜三片棗二枚煎八分不拘時服

服

秦艽湯前症已去次服此藥去其風邪

秦艽

芍藥

柴胡各一錢七分

甘草炙一錢三分

黃芩

防風各一錢二分

人參

半夏各一錢一分

右咬咀分二貼每貼水二盞姜三片煎八分食遠服

癘風

經曰脉風成爲癘俗呼癘風是也

大法

丹云大風病是受得天地間殺物之風古人謂之癘風以

其酷烈暴悍可畏爾人得之者須分在上在下夫在上者

以醉仙散取臭惡血於齒縫中出在下者以通天再造散

取惡物蛻虫於穀道中出所出雖有上下道路之異然皆

不外於陽明一經而已。看其疙瘩上先見在上體多者病在上也。下先見在下體多者病在下也。上下同得者病在上復在下也。陽明主胃與大腸無物不受。此風之入人也。氣受之在上多血受之在下多。血氣俱受者上下皆多。自非醫者有神病者有鐵心。罕有免者。余曾治四五人中間惟一婦人得免。以其貧甚無物可吃也。孫真人曰。吾嘗治四五百人終無一人免者。非真人之不能治也。第無一人能守禁忌耳。

大法重者取積取汗

下劑 醉仙散 治大風疾遍身癢疹癢痒麻木

胡麻子

牛蒡子

枸杞子

蔓荊

子各一兩同炒

白蒺藜

苦參

瓜蒌根

防風

各半兩

右為細末每十五錢末入輕粉一錢拌勻每服一錢茶

調下晨午夕各一服後五七日先於牙縫內出臭黃涎  
渾身疼痛昏悶如醉次後利下膿血惡臭氣病根乃去  
矣

### 四聖保命丹

大黃半兩

黃柏八兩

苦參

荊芥各四兩

右為末煉蜜和勻分作一百二十九每服一九溫酒送  
下食遠日三服忌肉醬一方用蝦蟆一箇燒灰  
祛風散

大黃沙五升先篩淨水

東行蝎虎一條焙乾用白

酒乾

右為末一二合熬栢葉湯調服食前日三服

通天再造散 治大風惡疾

鬱金錢半

大黃一兩

白牽牛六錢半生半炒

皂角刺黑大者一兩

右為末每服五錢日未出時面東以無灰酒調下

汗劑愈風丹 治癩

皂角一斤去皮弦剉作四指許以無灰酒浸一宿瀝出同新汲水一大碗揉作餅汁濾去渣以

砂鍋慢火熬膏 苦參四兩為末 土蝮蛇頭尾全用陰乾為末

右二味末以皂角膏丸如桐子大每服七十九空心用

防風通聖散煎成送下日二服服三二日後入浴出汗

病重者不過一料病微者止用烏梢蛇不用土蝮

換肌散 治大風年深不愈至眉毛墮落鼻梁坍塌額顙

腫破服此速效

白花蛇三兩酒浸一宿 烏蛇三兩酒浸一宿 地龍去土三兩 當歸酒制

細辛 白芷各一兩 天麻 蔓荊子

藏靈仙 荊芥穗 甘菊花 苦參

紫參

沙參

木賊

不灰木

川芎

沙苑蒺藜

甘草

天門冬

赤芍藥

葛蒲

何首烏

胡麻

草烏頭

蒼朮

木鱉子

定風草

右同為細末每服五錢匕食後酒調服酒多為妙

輕者踈風和血以二聖散治之二聖散方

大黃

皁角刺

右將皁角刺一二箇燒灰研細用大黃半兩煎湯調下

二錢早服樺皮散中以升麻湯下瀉青丸晚服二聖散

此為緩治

栢葉湯用東南枝上栢葉一秤水一桶水三沸去查菴盛起旋熬蚕沙調服初服苦澁三五日後甜十日四肢沉重便赤白痢一月後發出瘡疔瘡破用烏龍散搽之



烏龍尾即倒懸

烏鷄子皮煨

二味為末用栢油調搽於破瘡上

樺皮散 治肺癰風毒遍身癰疹癢

荆芥穗二兩

枳殼

樺皮各四兩

甘草炙半兩

杏仁二兩

去皮尖用水一碗煎令減半取出令乾另研

右為末每服二錢食後溫酒調下

凌霄散 治癰風神效

蟬殼

地龍炒

殭蚕

全蝎各七箇炒

凌霄花兩

右為末每服二錢熱酒調下無時於浴室中常蹲湯中

一時許服藥神效

祛風九 治疥癩經曰脉風成為癩也

黃芪

枳殼

防風

芍藥

甘草

熟地

地骨皮

枸杞子

生地

右九味不杵相為細末煉蜜丸如桐子大白湯下五十丸

洗藥如聖散

蔓荊子

苦參

玄參

厚朴

刺芥

紫參

陳皮

沙參

麻黃

去節一兩

防風

白芷

葳靈仙略二

右為細末每服五錢桃柳枝各一把水五升煎臨臥熱

洗忌五辛

東坡治

垣段庫使病癘風滿面連鬚極痒眉毛已脫落須用熱水沃之稍緩每晝夜須數次或砭刺亦緩先師曰風論中云夫癘者榮衛熱附其氣不清故使其鼻柱壞而色敗皮膚

瘍潰風寒客于脉而不去名曰癰風治之者當刺其腫上以銳針刺其處按出其惡氣腫盡乃止常食如常食勿食他食如用藥當破血去熱升陽去癰瀉榮以辛冷散之其溫升之行陽明經瀉心火補肺氣乃治之正也

補氣瀉榮湯

升麻

連翹各六分

蘇木

當歸

全蝎

黃連

地龍

黃芪各三分

黃芩

生四

甘草一錢

人參二分

生地四分

桃仁三箇

桔梗五分

麝香少許

胡桐淚一分

水蛭

沙令煙

重虫去翅足微

右剉如麻豆大除連翹另剉胡桐淚研白荳蔻二分爲細末二味另放麝香重虫水蛭三味爲末另放外都作一服水二大盞酒一匙入連翹煎至一盞六分再入白

荳蔻二味并麝香等三味再上火煎一二沸去渣稍熱  
早飯後午飲前服忌酒濕麪生冷硬物

針灸經大風刺其肌肉故汗出百日刺骨髓汗出百日凡二百  
日髮眉生而止針

承漿一穴在頤前唇下宛宛中足陽明任脉之會療偏風  
口喎面腫口齒痺蝕虫瘡灸亦佳日灸七壯至七七壯灸  
則血脉通宣其風應時立愈

[illegible]